

www.BibleForChildren.org



Jovan 14



I o Isus phenda: "Ma te uznemirinen pe tumare vile. Verujinen ano Devel hem verujinen ana mande. Ano čher mle Dadesoro isi but thana bešibnase. Te na ovel ine ađahar, naka phenav tumende ine: 'Džava te pripreminav tumende than.'"



"A kad ka džav hem kad ka pripreminav tumenđe than,
ka avav palem hem ka lav tumen mancar, te oven hem
tumen adari kaj me injum."



Me, o Jovan, tumaro phral, kova zajedno tumencar
injum ano patiba zako Carstvo e Devlesoro hem
ani istrajnost ano Isus, injumle phandlo ko

ostrvo Patmos zbog o lafi e
Devlesoro hem zbog o



svedočanstvo e
Isusesoro.



Otojekhvar prelelja man o Duho, hem dikhljum ko nebo
presto hem nekas sar bešela upro leste.




I šundum sa o stvorenja ko nebo hem ki phuv, tali phuv
hem ko more hem sa soi ano lende, sar vaćerena:
"Okolese kova bešela ko prestolje
hem e Bakrorese, hvala hem
ćast, slava hem vlast zauvek!"



Dikhljum i Sveto diz, o Nevo Jerusalem, sar huljela taro nebo e Devlestar. Inele pripremime sar i nevesta koja ukrasinda pe zako plo rom. I šundum zoralo glaso taro prestolje sar vaćeri: "Aće, e Devlesoroi šatori maškaro manuša hem ka živini olencar, a on ka oven lesoro


narodo, hem
korkoro o
Devel ka ovel
olencar hem ka
ovel lengoro
Devel!"



Tegani o anđeo mothovđa maje i len e panjeja savo delo dživdipe. Inele čisto sar o kristali, a thavdela ine taro e Devlesoro hem e Bakroresoro prestolje maškar o glavno drom e dizjakoro.



E dizjaċe na valjani ni kham ni masek te svetlinen laċe, adalese so osvetlinđa la e Devlesiri slava, a o Bakroroi lakiri svetiljka.




Ali naka đerdini ništa nečisto, niti niko ko ćerela
okova soi gadno hem hovavno, nego samo okola
kaserei anava upisime ani e
Bakroresiri Knjiga
e dživdipnasiri.




"Ov ka kosel svako asvi lengere jačendar hem više naka ovel meriba, ni tuga, ni rojba, ni dukh, adalese so nakhlo okova so inele angleder."




Adari naka ovel više nisavo prokletstvo. Ani diz ka ovel e Devlesoro hem e Bakroresoro presto, a lesere sluge ka služinen lese. Ka dikhen lesoro muj hem lesoro anav ka ovel lenđe ko čekat.



I dikhljum e mulen, baren hem tikoren, sar terđovena anglo prestolje, a o knjige phravdile. Hem aver knjiga inele phravdi – i Knjiga e dživdipnasiri. E mulenđe sudinđa pe palo okova so inele zapisime ano knjige – palo lengere delja. I kasoro anav na inele zapisime ani Knjiga e dživdipnasiri, inele frdime ano jagalo jezero.



O Duho hem i nevesta phenena: "Ava!" Hem ko šunela akava, nek phenel: "Ava!" Koi žedno nek avel; ko mangela, nek besplatno dolel pani savo dela dživdipe.



Adalese so, o Devel edobor volinda e
manušen taro sveto da dinda ple
jekhore Čhave, da svako kova
verujini ano leste te na merel,
nego te ovel le večno dživdipe.



Rimljanenđe 3:23 Adalese so, sare grešinde hem našalde i slava e Devlesiri,

Rimljanenđe 6:23 Adalese soi i plata zako greh meriba, a daro e Devlesoroj večno dživdipe ano amaro Gospod Hrist Isus.

Jevrejende 9:27 Hem sar soi e manušende odredime jekhvar te meren, a onda te ikljon ko sudo e Devlesoro,

Efežanende 2:8,9 Adalese so, pali milost injen spasime prekali vera. Adava na avela oto tumaro trud, adavai e Devlesoro daro. Na injen spasime zbog tumare delja, sar te našti nijekh hvalini pe.



Rimljanenđe 10:9,10 te priznajineja te mujeja dai o Isus
Gospod hem vileja verujineja da o Devel vazdinđa le taro
mule, ka ove spasime. Adalese so, vileja verujini pe zako
opravdanje, a mujeja priznajini pe zako spasenje.

Jovan 3:16,17 Adalese so, o Devel edobor volinđa e
manušen taro sveto da dinđa ple jekhore Čhave, da svako
kova verujini ano leste te na merel, nego te ovel le večno
dživdipe. O Devel na bičhalđa ple Čhave ko sveto te
osudini e manušen, nego o manuša te oven
spasime prekalo leste.

1 Jovan 5:11-13 A akavai adava svedočanstvo: o Devel
dinđa amen večno dživdipe, hem adavai dživdipe ano
lesoro Čhavo. Kas isi e Čhave, isi le dživdipe. Kas nane e
Čhave e Devlesere, nane le dživdipe. Akava pisinđum
tumenđe kola verujinena ano anav e Devlesere Čhavesoro
te džanen da isi tumen večno dživdipe.



Jovan 14; 2 Korinćanende 5; Otkrivenje 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Romani Arli Bible (rmn) CC BY SA

<https://www.bible.com/en-GB/bible/3606/MAT.1.RAB>

©2026 Bible for Children, Inc.

www.M1914.org

www.bibleforchildren.org

